



蘇文忠公集卷第二十四

律詩一百十四首

示過并跋

春鴻社燕巧相違  
白鶴峯頭玉板扉  
石建方欣洗滌  
廁姜龐不解嘆  
蠨蟻一龕京口嗟  
春夢萬炬錢塘憶  
夜歸合浦賣珠無  
復有當年笑我泣  
牛衣

戊寅上元余寓儋耳過子夜出余獨守舍作違字  
韻詩今庚辰上元已再期矣家在惠州白鶴峯下  
過子并婦子從余來此其婦亦篤孝惻然憫之故  
和前篇有石建姜龐之句而又復悼懷同安君季

章故有牛衣之句悲君之亡而喜余在此也書以  
示過看了勿復感愴切切

明月湖湖南海有西月瑯琊即古犛河江

老衍清篇墨未枯小馮新作語尤殊呼兒淨洗涵星  
硯為子賡歌墮月湖聞道瑯琊江空抱珥年來合浦自  
還珠請君多釀蓮花酒准擬王喬下履鳧

次韻鄭介夫二首

一落泥塗迹愈深尺薪如桂米如金長庚到曉空陪  
月同淵之太白醜配盡故取太歲今年合守心歲守心則  
諸道皆太白醜配盡故取太歲今年合守心歲守心則  
奏大熟相與嚙氈持漢節何妨振履出商音孤雲倦

鳥空來往自要閑飛不作霖

一生憂患萃殘年心似驚蚕未易眠海上偶來期汗  
漫葦間猶得見寅緣良醫自己經三折老將何妨敗  
兩甄收取桑榆種梨棗祝君眉壽似增川

送邵道士彥肅歸都嶠

乞得紛紛擾擾身結茅都嶠與僊鄰少而寡欲顏長  
好老不求名語益真許萬有妻還學道陶潛無酒亦  
從人相隨十日還歸去萬劫清遊結此因

焦坑寺

渺渺疎林集晚鴉孤村燈作火梵王家幽人自種

千頭橘遠客來尋百結花  
浮石已乾霜後水焦坑聊  
試雨前茶只疑歸夢西南  
上翠竹江村繞白沙

贈虔州慈雲寺鑒老

居士無塵堪洗沐道人有人  
曰借宣揚窻間但見蠅鑽  
紙門外唯聞佛放光徧界  
難藏真薄相一絲不掛且  
逢場却須重說圓通偈千  
眼薰籠是法王

奉陪器之待制同游南塔寂照堂

城南鍾鼓闐清新端為投  
此洗瘴塵摠是鏡空堂上  
客誰為寂照境中人紅英  
掃地風驚曉綠葉成陰雨  
洗春記取明年作寒食杏花  
曾與此翁鄰

卯酒大醉得江晦叔詩信手  
作荅不知道何等語也無簡  
器之

橫空初不駕鵬鵬但覺胡床  
步步高劉器之言所

生皆起一枕晝眠春有夢扁舟  
夜渡海無濤某渡海

三更發鐘曉歸來又見顛茶陸陸在錢塘嘗謂晦叔

多病仍逢止酒陶陶有止酒詩器之不飲笑說南荒底

處所只今榕葉下亭臯柳子厚云榕葉滿庭

和方南圭寄迂周文之三首

共惜相從一寸陰酒盃雖淺  
意殊深且同月下三人

影聊豁莫一作天涯萬里心東嶺  
舊一作開松竹徑南

堂初絕斧斤音知君善頌如張老猶望携壺更一臨  
數畝蓬蒿以古孫陰小窓明快夜堂深也知卜築非真  
宅聊欲踟躕音振履相娛北戶江千頃直下都無地可臨  
徽音出商此生真欲老墻陰却掃都忘歲月深  
拔薤已觀賢守政摘蔬聊慰故人心風流賀監常  
笑語憔悴鍾儀獨楚音治狀兩邦俱第一潁川歸去肯重臨

文之出小鬢再用前韻

學語雛鶯在柳陰臨行呼出翠幃深通家不隔同年  
面得路方知異日心趁著青衫游上苑要求國手教

新音嶺梅不用催歸騎截鐙湏防舊所臨

天門冬酒熟躬自漉之且漉且嘗遂至大醉  
自撥床頭一瓮雲幽人先已醉奇芬天門冬熟新年  
喜麴米春香並舍聞菜圃漸踈雲漠漠竹扉斜掩雨  
紛紛擁裘睡覺知何處吹面東風散纈紋

蒲澗寄信長老

優鉢曇華豈有花問師此曲唱誰家已從子美識桃  
竹更向安期覓棗瓜宴坐林間時有虎高眠粥後不  
聞鷓勝遊自古無支許為採松肪寄一車

過廣州游蒲澗寺

不用山僧導我前自尋雲外出山泉千尋古木臨無  
地百尺飛濤瀉漏天舊日菖蒲方士宅後來蒼蘆祖  
師禪如今只有花含笑笑道秦皇欲學仙

### 江水煎茶

活水還一作須活火烹自臨釣石汲深清大瓢貯月  
歸春窺小杓分江入夜鉶暴雨已翻煎處脚松風猶  
作瀉時聲枯腸未易禁三盃倦一作聽山城長短更

### 贈鶴田處士王子直

萬里雲山一破裘杖端聊挂百錢遊五車書已留兒  
讀二頃田應為鶴謀水底笙歌蛙兩部山中奴僕橘

千頭幅巾我欲携君

一作

去海上何人識故侯

子直去歲送子由北歸往返百舍今又相從

贛上戲用舊韻作詩留別以發一笑

米盡無人典破裘送行萬里憶鄒游解舟又欲携君  
去歸舍聊須與婦謀聞道年來丹伏火不愁老去雪  
蒙頭刺買溪山漆鶴口廟堂新拜富民侯

### 贈詹守

一本作答周循州

藜杖藤床破衲衣掃除習氣不吟詩前生自是盧行  
者後學過呼韓退之未擬叩門求夜話已煩送米助  
續一作晨炊知君清俸難多輟且覓黃精與療飢

壺中九華詩

湖口人李正臣蓄異石九峯玲瓏宛轉若窻櫺然  
余欲以百金買之與仇池石為偶方南遷未暇也  
名之曰壺中九華且以詩識之

我家岷蜀最高峯一作清峯夢裏猶驚翠掃空五

嶺莫愁千嶂外九華今在一壺中天池水落層層見

一作石淙影落淙淙瀲灩玉女窻明處處通念我仇池太孤絕百

金歸買小碧一作玲瓏

余既作九華詩其後八年復過湖口則石已

為郭功甫取去乃和前韻以自解云

江邊陣馬走千峯問訊方知冀北空尤物已隨清夢

斷劉夢得化以尤物真形猶在畫圖中漢武帝內傳有五岳真形

圖歸來晚歲同元亮却掃何人伴敬通賴有銅盆脩

石供仇池玉色自玲瓏余家有高麗銅盆及仇池石

供也

昔在九江與蘇伯固唱和其畧曰我夢扁舟

浮震澤雪浪橫江千頃白覺來滿眼是廬山

倚天無數開青壁蓋實夢也昨日又夢伯固

手持乳香嬰兒示余覺而忠之蓋南華賜物

也豈復與伯固相見於此耶今得來書已知

在南華相待數日矣感嘆不已故先寄此詩  
扁舟震澤定何時滿眼廬山覺又非春草池塘惠連  
夢上林鴻鴈子卿歸水香知是曹溪口眼淨同看古  
佛衣不向南華結香火此身何處是真依

次韻韶守狄大夫見贈二首

華髮蕭蕭老遂良一身萍挂海中央無錢種菜為家  
業有病安心是藥方才疎正類孔文舉癡絕還同顧  
長康萬里歸來空泣血七年供奉殿西廊  
森森畫戟擁朱輪坐詠梁公覺有神白傳閑遊空誦  
句拾遺窮老敢論親東海莫懷踈受意西風幸免庚

公塵為公過嶺傳新唱催發寒梅一信春

真一酒

米麥水三一而已此東坡先生真一酒也

撥雪披雲得乳泓蜜蠶又欲醉先生稻垂麥仰陰陽  
足器潔泉新表裏清曉日著顏紅有暈春風入髓散  
無聲人間真一東坡老與作青州從事名

次韻韶倅李通直二首

一篇瀧吏可書紳莫向長沮更問津老去常憂伴新  
鬼歸來且喜是陳人曾陪令尹倉髯古又見郎君白  
髮新回首天涯一惆悵却登梅嶺望楓宸



青山祇在古城隅，萬里歸來卜築初。  
會見四山朝鶴駕，更看三李跨鯨魚。  
欲從抱朴傳家學，應恠中郎得異書。  
待我丹成馭風去，借君瓊佩與霞裾。

僕昔為開封幕先公為赤令暇日相與論內外丹  
且出其丹示僕今三十年而見君曲江同遊南華  
宿山水間數日道舊感歎且勸我卜居于舒故詩  
中皆及之

過嶺至南安作

暫著南冠不到頭，却隨北鴈與歸休。  
平生不作鬼三窟，今古何殊貉一丘。  
當日無人送臨賀，至今有廟祀

潮州劔關西望七千里，乘興真為玉局遊。

李伯時畫其弟亮功舊隱宅圖

樂天早退今安有，摩詰長閑古亦無。  
五畝自我池上竹，十年空看輞川圖。  
近聞陶令一作開三徑，應許揚雄寄一區。  
晚歲與君同活計，如雲鷺鴨散平湖。

章質夫送酒六壺書至而酒不達戲作小詩  
問之

白衣送酒侮淵明，急掃風軒洗破觥。  
豈意青州六從事，化為烏有一先生。  
空煩左手持新蟹，漫遶東籬嗅落英。  
南海使君今北海，定分百榼餉春耕。

余發虔州江水清漲文餘贛石三百里無一  
見者不覺至永和遊清都觀見謝道士鬢髮  
童顏自言丙子生六十六矣求詩為賦一首  
鏡湖勅賜老江東未似西歸玉局翁羈枕未容春夢  
斷清都宛仕默存中每逢佳境携兒去試問行年與  
我同自笑餘生消底物半篙清漲百灘空

留別登州舉人

身世相忘久自知此行閑看古黃腫自非北海孔文  
舉誰識東來太史慈落筆已吞雲夢客抱寒欲訪水  
仙師莫嫌五日忽忽守歸去先傳樂職詩

過海

參橫斗落轉

轉欲

三更苦雨終風也解晴雲散月明

誰點綴天容海色本澄清空餘魯叟乘

桴意無復作

翻軒皇奏樂聲九死南荒吾不恨茲游奇絕冠平生

過嶺寄子由三首

七年来往我何堪又試曹溪一勺甘夢裏似曾迂海  
外醉中不覺到江南波生濯足鳴空澗霧遠征衣滴  
翠嵐誰遣山鷄忽驚起半岩花雨落瓊瓊

投章獻策謾多談能雪冤忠死亦甘一片丹心天日  
下數行清淚嶺雲南光榮歸佩呈佳瑞瘴癘幽居弄

曉嵐從此西風度梅謝却迎誰與馬穆穆  
山林瘴霧老難堪歸去中原茶亦甘有命誰憐終反  
北無心却笑亦巢南蠻音慣習疑僞語脾病縈纏帶  
嶺嵐賴有祖師清淨水塵埃一洗落琇琇

自造桂酒釀成極美

擣香節辣入餅盃盃盃春溪帶雨渾收拾小山藏社  
瓮招呼明月到芳樽酒材已遣門生致菜把仍叨地  
主恩爛煮葵羹斟桂醕風流可惜在蠻村

詹守携酒見過用前韻作詩聊復和之

箕踞狂歌老瓦盆燎毛燔肉似羗渾傳呼草市來携

客洒掃漁磯共置樽山下黃童爭看舞江干白骨已

銜恩

時唐方議葬暴骨

孤雲落日西南望長羨歸鴉自識村

初到惠州

髣髴曾遊是一作豈夢中欣然鷄犬識新豐吏民驚恠  
坐何事父老相携乃迎此翁蘇武定知歸漠北管寧自  
欲老遼東嶺南萬戶皆春色會有幽人客寓公

歌白塔鋪

甘山廬阜鬱長望林隙依稀一作熹漏日光吳國晚蚕  
初斷葉占城早稻欲移秧迢迢澗水隨人急冉冉岩  
花撲馬香望眼儘從窮一作窮飛鳥遠白雲深處是吾鄉

嘗天門冬酒

載酒無人過子雲年來家醞有奇芬醉鄉杳杳誰同  
夢睡息齁齁得自聞口業向時猶小小眼花因酒尚  
紛紛點燈更試淮南語汎鷁東風有穀紋

西蜀揚耆二十年前見之甚貧今見之亦貧  
所異於昔者蒼顏華髮耳女無美惡富者妍  
士無賢不肖貧者鄙使其逢時遇合豈減當  
世之士哉頃宿長安驛舍聞泣者甚怨問之  
乃昔富而今貧者乃作一詩今以贈楊君  
孤村漸微作雨逐秋涼逐旅愁人怨夜長不寐相看

唯櫪馬愁吟悲歌互答有寒螿天寒滯穗猶橫畝歲  
晚空機尚倚墻勸爾一杯聊復睡人間貧富海茫茫

贈人

別後休論信息疎仙凡自古亦殊途蓬山路遠人難  
到霜栢威高道轉孤舊賞未應忘楚國新詩聞已滿  
皇都誰憐澤畔行吟者目斷長安貌欲枯

趙成伯家有姝麗僕忝鄉人不肯開樽徒吟  
春雪謹依元韻以當一笑

綉簾朱戶未曾開誰見梅花落鏡臺試問高吟三十  
韻俗云檢驗死秀才何如低唱兩三杯世傳陶穀太

謝家故妓謝家故妓曰彼麗人安有此景但能於銷金暖帳下淺  
識此妓謝家故妓曰彼麗人安有此景但能於銷金暖帳下淺  
耳陶陶然媿其言莫嫌衰鬢聊相映須得纖腰與  
共回知道文君隔青鎖梁園賦客敢言才聊答婦人  
過罪已過

再過清涼和長老次舊韻

過淮入洛地多塵舉扇西風欲汚人但見雲山不改  
色豈知江月解分身安心有道年顏少寓物無情句  
法新送我長蘆舟一葉笑香白浪滿衣巾

次韻贈鬱林太守

晚塗流落不堪言海上春泥手自翻漢使節空餘皓

首故侯瓜在有頽垣平生多難非天意此去殘年盡  
主息誤辱俊君相拂拭寧聞老鶴更乘軒

觀湖二首

乘槎遠引神仙客萬里清風上海濤回首不知沙界  
小飄衣猶覺色塵高須彌有頂低垂日堯率無根下  
戴鼈釋梵茫然齊劫火飛雲不覺醉陶陶

朝陽照水紅光開玉濤銀浪相徘徊山分宿霧儘寬  
遠雲駕高風馳送來昇霞影色歌殘火及物氣談明  
纖埃可憐極大不知已浮生野馬悠悠哉

寄高令

滿地春風掃落花幾番曾醉長官衙詩成錦綉開胃  
臆論極冰霜繞齒牙別後與誰同把酒客中無日不  
思家田園知有兒孫委蚤晚扁舟到海涯

寄館合刷餅與子由

老人心事日摧頽宿火通紅手自培小甑短餅良具  
足稚兒嬌女共燔煨寄君東閣閑蒸栗知我空堂坐  
畫灰約束家童好收拾故山梨棗待翁來

次韻陳履常雪中

可憐擾擾雪中人飢飽終同寓一塵老檜作花真強  
項凍鳶儲肉巧謀身忍寒吟詠君堪笑得暖歡呼

未貧坐聽屐聲知有路擁棗來看玉梅春

獄中寄子由二首

聖主如天萬物春小臣愚暗自忘身百年未滿先償  
債十口無歸更累人是處青山可埋骨他年夜雨獨  
傷神與君世世為兄弟更結人間未了因

栢臺霜氣夜淒淒風動琅璫月向低夢遶雲山心似  
鹿魂飛湯火命如鷄眼中犀角真吾子身後牛衣愧  
老妻百歲神遊定何處桐鄉知葬浙江西

獄中聞湖  
杭民為余

作解厄齋經月所以有此句  
也朱邑葬桐鄉犀角杜琮事

出獄次前韻

百日歸期恰及春，殘生樂事最關身。出門便旋風吹  
面，走馬聯翩鵲啖人。却對酒杯渾是夢，試拈詩筆已  
如神。此災何必深追咎，竊祿從來豈有因。

平生文字為吾累，此去聲名不厭低。塞上縱歸他日  
馬，城中不闕少年鷄。休官彭澤貧無酒，隱几維摩病  
有妻。堪笑睢陽老從事，為余投檄向江西。

官爵贖罪貶  
筠州監酒

送鮮于都曹歸蜀灌口舊居

一本題作海上  
遇鮮于君之言

書以贈之鮮于  
蜀人老舉推恩

鑷盡霜髭照碧銅，依然春雪在長松。朝行犀浦催收

茅，夜渡繩橋看伏龍。莫歎倦遊無駟馬，要將老健敵  
千鍾。子雲三世唯身在，好向西南說病容。

寄子由

厭暑多應一向慵，銀鈎秀句益踈通。也知堆案文書  
滿，未暇開軒硯墨中。湖面新荷空照水，城頭高柳謾  
搖風。吏曹不是尊賢事，誰把前言語化工。

十一月九日夜夢與神人論神仙道術，因作  
詩八句，既覺頗記其語，錄呈子由。弟後四句  
不甚明了，今足成之。

析塵妙質本來空

夢中於此句若  
所得者

更積微陽一線功

照夜一燈常耿耿閉門十息自濛濛養成丹竈無煙  
火點盡人間有暈銅窻語山神停伎倆不聞不見我  
何窮

海南人不作寒食而以上已上塚余携一瓢  
酒尋諸生皆出矣獨老符秀才在因與飲至  
醉符蓋儋人之安貧守靜者也

老鴉嚼肉紙飛灰萬里冢山安在哉蒼耳林中太白  
過鹿門山下德公回管寧投老終歸去王式當年本  
不來記取城南上巳日本綿花落刺桐開

惠守詹君見和新釀桂酒詩復次韻

已破誰能惜勸盆頽然醉裏得全渾欲求公瑾一困  
倉一作米試滿莊生五石樽三盃外因忘家事萬戶春  
濃感國恩刺史不須要出道籃輿未暇走山村

枕椰杖寄文潛時初聞魯直遷黔南

睡起清風酒在亡身隨殘夢雨茫茫江邊曳杖枕椰  
瘦林下尋苗蕈撥香獨步儻逢岫巉令遠來莫恨曲  
江張遙知魯國真男子獨有平生盛孝章

詩送交代仲達少卿

此身無用且東來賴有江山慰不才舊尹未嫌衰廢  
久清尊猶許再三開滿城遺愛知誰繼極目扁舟挽



不回歸去青雲還記否交遊勝絕古城隈

次韻劉景文贈傅以曦

窈眇文章宜和寡崢嶸肝肺亦交難未能飛瓦彈清  
角肯使投泥戲潑寒忽見秋風吹渭洛一作水遙知霜  
葉滿長安詩成送與劉夫子莫遣孫郎帳下看

次韻馬元賓

流落江湖萬里歸相逢自慰已差池初聞好句驚人  
倒悔過東庭識面遲握手寧知無賀監結交誰復許  
袁絲塞鴻正欲摩天去垂老追攀豈可期

第五橋

白露淒風洗瘴煙夢回相對兩淒然雀羅廷尉非當  
日鳩杖先生愈少年世事飽諳思縮手主恩未報耻  
歸田誰怜第五橋東水獨照台州老鄭虔

次韻完夫再贈之什某已卜居毗陵與完夫  
有廬里之約云

柳絮飛時笋籜斑風流二老對開關雪芽為我求陽  
羨乳水君應餉惠山竹簟水風眠晝永玉堂制草落  
人間應容緩急煩閭里桑柘聊同十畝閑

和林子中待制

兩翁留滯各皤然人笑迂踈老更堅共把鵝兒鵝夷

一樽酒相逢柳色五湖天江邊遺愛啼斑白海上先  
聲入管絃早晚淵明賦歸去浩歌長笑老斜川

九日袁公濟有詩次其韻

古來靜治得清閑我愧真常也一班舉酒東榮地  
海回樽落日勸湖山平生傾蓋悲歡裏早晚抽身  
領間笑指西南是歸路倦飛弱羽久知還

和吳安持使者迎駕

小雪踈煙雜瑞光清波寒引御溝長曛曛日色  
禁杳杳鞭聲出建章鷓鴣路馬偶叨陪下列天闈聊  
中央歸來喜氣傾新句滿座疑聞錦綉香

鹿鳴宴

連騎忽忽書報事古君新奪錦標還金壘浮葉倦  
宴紅蕖將春待入關他日曾陪探禹穴白頭重見賦  
南山何時共樂昇平事風月笙簫一水間

次韻張甥棠美畫眠

炎歊五月北窓涼更覺甘如飯稻梁寧我糞墻譏敢  
避孝先經笥譚無忘憂虞心謝知時鴈安穩身同挂  
角羊要識熙熙不爭競華胥別是一仙鄉

真興寺閣禱雨

太守親從千騎禱神翁遠借一杯清雲陰黯黯將噓

遍雨意昏昏欲醞成已覺微風吹袂冷不堪殘日傍  
山明今年秋熟君知否應向江南飽食稔

惠州近城數小山類蜀道春與進士許毅野  
步會意處飲之且醉作詩以記適寥寥使  
欲歸使持此以示西湖之上諸友庶使知余  
未嘗一日忘湖山也

夕陽飛絮亂平蕪萬里春前一酒壺鐵化雙魚沉  
素劍分二嶺隔中區花曾識面香仍好鳥不知名  
自呼夢想平生消未盡滿林煙月到西湖

送蜀僧去塵

十年讀易費膏火盡日吟詩愁肺肝不解丹青追世  
好欲將芹芷薦君盤誰為善相寧嫌瘦復有知音可  
廢彈拄杖挂經須倍道故鄉春蕪已闌干

白鶴居新成夜過翟夫子二首

甕間畢卓防偷酒壁後匡衡不點燈待鑿釜平江百尺  
井要知清暑一壺冰佐卿恐是歸來鶴次律寧非過  
去僧他日莫尋王粲宅夢中來往亦一作何曾

林行婆家初閉戶翟夫子舍尚留關連娟缺月黃昏  
後縹緲新居紫翠間繫門豈無羅帶水割愁還有劍  
鋸山中原北望無歸日隣火村春自往還

韓退之詩云水作青羅帶山為碧玉簪柳子厚  
詩云海上海上群山若劍鋸秋來處處割愁腸陸道  
士云二公當時不相計會好做成一屬對東坡  
為之對見全篇中

曾元恕游龍山呂穆仲不至

青春不覺老朱顏強半銷磨簿領間愁客倦吟花似  
酒佳人休唱日嚙山共知寒食明朝過且赴僧窓半日  
閒命駕呂安邀不至山沂曾點豈心方還

黃河

活活何人見混茫豈無氣脉本來去黃濁流若解污清

濟驚浪應湏動太行帝假一源神禹跡世流三患梗  
堯鄉靈槎果有仙家事試問青天路短長

壬寅重九不預會獨遊普門寺僧閣有懷子

由

花開酒美盍不歸來看南山冷翠微憶弟淚如雲不  
散望鄉心與鴈南飛明年縱健人應老昨日追歡意  
正違不問秋風強吹帽秦人不笑楚人譏

正月二十六日偶與數客野步嘉祐寺僧舍

東南野人家雜花盛開扣門求觀主人媪出  
應言白髮青裙少寡獨居三十年矣感歎之餘

作詩紀之

縹帶細枝出絳房綠陰青子送春邛涓涓泣露紫含  
笑艷艷燒空紅佛桑落日孤煙知客恨短籬破屋為  
誰香主人白髮青裙袂子美詩中黃四娘

小飲公瑾舟中

青泥赤日午相洪走訪一作舡窻柳影中輟我東坡

無限睡賞君南浦不賞風坐觀邸報談迂叟閑說滌

山憶醉翁此去澄江三萬頃只應明月照還空鄧滌

是日坐舟見邸報云  
叟已押入門下

余年幼時先君自虔州歸為余言天竺寺有

樂天親書詩筆勢奇逸墨迹如新今四十七  
年矣余來訪之則詩已亡有石刻存焉感涕  
不已故作是詩

香山居士留遺迹天竺禪師有故家空詠連珠吟壘  
壁已忘飛鳥失驚蛇林深野桂寒無子雨浥山薑病  
有花四十七年真一夢天涯流落淚橫斜

和子由次王鞏韻如囊裏之句可為一噓

平生未省為人忙貧賤安閑氣味長粗免趨時頭似  
葆稍能忍事腹如囊簡書見迫身今老樽酒聞呼首  
一昂欲挹天河聊自洗塵埃滿面鬢眉黃

雙石詩

至揚州得二石其一綠色崗巒迤邐有穴達于背  
其一正白色可鑿漬以盆水置几案間忽憶在穎  
時夢人請住一官府榜曰仇池覺而誦子美詩曰  
萬古仇池穴潛通小有天戲作此詩以為僚友一  
笑

夢時良是覺時非汲水埋盆故自癡但見玉峯橫太  
白便從鳥道絕峨眉秋陰欲一作作煙雲意曉日偏  
一作含草木姿一點空明是何處老人真欲住仇池

和陳傳道雪中觀燈

新年樂事歎何曾閉閣燒香一病僧未忍便傾澆別  
酒且來同看照愁燈鱖魚躍處新亭近湖雪消時盡  
舸升只恐樽前無此客清詩還有士龍能

僊耳

霹靂收威莫雨開獨憑欄檻倚崔嵬垂天雌霓雲端  
下快意雄風海上来野老已歌豐歲語除書欲放逐  
臣回殘年飽飯東坡老一壑能專萬事灰

答李端叔

若人如馬亦如班笑履壺頭出玉明因已入西羗度沙  
磧又來東海看濤山識君小異千八裏慰我長思十

載間西省怜君

一作辭居

時邂逅相逢有味是偷閑

立春日病中邀安國仍請志平禹功同來僕雖不能飲當請成伯主會某出留杖策倚几於其間觀諸公醉笑以發滯悶也

孤燈照影夜漫漫拈得花枝不忍弄  
白髮歎簪羞彩勝黃耆煮粥薦春盤  
東方烹狗陽初動南陌爭牛卧作團  
老子從來興不淺向隅誰有滿堂歡  
齋居卧病禁煙前辜負名花已一年  
此日使君不強喜青春風物為誰妍  
青衫公子家千里白首先生杖百錢  
曷不相將來問病已教呼取點花天

和參寥見寄

黃樓南畔馬臺宮雲月娟娟正點空  
欲共幽人洗筆硯要傳流水入絲桐  
且隨侍者尋西谷莫學山僧老祝融  
待我西湖借君去一杯湯餅潑油葱

東園

岑寂東園可散愁膠膠擾擾夢神州  
萬竿苦竹旌旗卷一部鳴蛙鼓吹收  
雨後月前天欲冷身閑心遠地偏幽  
杜門謝客恐生謗且作人間鷓鴣遊

次韻錢穆父以汝陰用抗越唱和韻作詩見寄

大耿疲勞已離群小馮慈孝且當門以親玉堂  
不著扶犁手霜鬢偏宜畫鹿轡係雖無兩王繼野  
深風流猶有二歐存叔弼并清詩已入新歌舞要使  
邦人識雅言

奉和陳賢良

不學孫吳與六韜敢將駑馬並英豪望窮海表天還  
遠傾盡葵心日愈高身外浮名休瑣瑣夢中歸思已  
滔滔三山舊是神仙地引手東來一釣鼇

秋興三首

野鳥游魚信往還此身同寄水雲間誰家晚吹殘紅

葉一夜歸心滿舊山可慰推顏仍健食此生通脫屢  
配顏年華豈是催人老雙鬢無端只自斑  
故里依然一夢前相携重上釣魚船嘗陪大幕今陳  
迹謬忝承明愧昔年報國無成空白首退耕何處有  
名田黃鷄白酒雲山約此計當時已浩然  
浴鳳池邊星斗光宴餘香滿上青囊樓前夜月低章  
曲雲裏車聲出未央去國何年雙鬢雪黃花重見一  
枝霜傷心無限厭厭夢長似秋一宵一倍長

夜直秘閣呈王敏甫

蓬瀛宮闕隔埃氛帝樂天香似許聞瓦弄寒蟬鴛鴦卧



月樓生晴靄鳳盤雲共誰交臂論今古只有閑心對  
此君大隱本來無境界北山猿鶴謾移文

題永叔會老堂

三朝出處共雍容歲晚交情見二公乘興不辭千里  
遠放懷還喜一樽同嘉謀定國垂青史盛事傳家有  
素風自顧纓塵猶未濯九霄終日羨冥鴻

次韻參寥寄少游

岩棲木石已瞠然交舊何人慰眼前素與畫公心印  
合每思秦子意珠圓當年步月來幽谷拄杖穿雲冒  
夕煙臺閣山林本無異故應文字不離禪

謝曹子方惠新茶

陳植文華斗石高景公詩句復稱豪數竒不得封龍  
額祿仕何妨有馬曹囊簡久藏科斗字鉛鋒新瑩礪  
鵝膏南州山水能為助更有英辭勝廣騷

題潭州徐氏春暉亭

瞳瞳曉日上三竿客向東風竟倚欄穿竹鳥聲驚步  
武入簷花影落杯盤勿嫌步月臨玄圃冷笑乘槎向  
海灘勝槩直應吟不盡憑君寄與畫圖看

贈仲勉子文

雨昏南浦曾相對雪滿荊州喜再逢有子才如不羈

馬知君心似後凋松閑看書冊應多味老傍人門想  
更慵何日晴軒觀筆硯一杯相屬更從容

講武臺南有感

山城九月冒朝寒講武臺南路屈盤騶子雨中乘馬  
去村童煙外倚墻看鷓鴣冢木秋風急鷺立漁船夜  
水乾花似去年堪折贈插花人去淚闌干

次韻劉燾荔枝

時新滿座聞名字別久何人記色香葉似楊梅蒸露  
雨花如盧橘微風霜無味作菓菜下鹽豉肯與煮  
酒承回首

題寶鷄縣斯飛閣

西南歸路遠蕭條倚檻魂飛不可招野闌牛羊同鴈  
鷺天長草樹接雲霄昏昏水氣浮山麓汎汎春風弄  
麥苗誰使愛官輕去國此身無計老漁樵

和劉景文見贈

元龍本志陋曹吳豪氣崢嶸老不除失路今為噲等  
伍作詩猶似建安初西來為我風薰面獨臥無人雪  
縞廬留子非為十日飲要令安世誦亡書

舟行至清遠見碩秀才談惠州之美

到處聚觀香案吏此邦宜着玉堂仙江雲漠漠桂花

濕梅雨蕭蕭荔子然聞道黃柑常抵鵲不容朱橘更  
論錢恰從神武來弘景便向羅浮覓稚川

和子由盆中石菖蒲忽生九花

春莢秋莢兩須臾神藥人間果有無無鼻何由識  
蒼荀有花今始信菖蒲芳心未飽兩蛺蝶寒意知鳴幾  
蟪蛄記取明年十二節小兒休更簪霜鬢

客姐經旬無肉又子由勸不讀書蕭然清坐

乃無一事

病快腥鹹不買魚爾來心腹一齊

一作時

虛使君不復

怜烏攫屬國方將掘鼠餘老去獨收人所棄悠哉時

到物之初從今免被孫郎竺入絳帕蒙頭讀道書

次韻子由東亭東坡椰子冠三詠

仙山佛國本同歸世路玄關兩背馳到處不妨閑卜  
築流年自可數期頤遙知小檻臨塵市定有新松長  
棘茨誰道茅簷劣容膝海天八風雨看紛披

白髮蒼顏自照盆董生端公是前身獨栖高閣多詞

客為著新詩未絕麟小醉且勿一作未醒風力軟安眠無

夢雨聲新長歌自調一作首堪笑底處人間是所欣

天教日飲欲全絲美酒生林不待儀自漉踈巾邀醉

客更將空殼付冠師漢高祖注規摹簡古人爭看

簪道守輕安髮不知更著短髮高屋帽東坡何事不違時

庚辰歲人日作詩聞黃河已復故流老臣舊  
數論此今斯言乃以駭二首

老去仍棲隔海村夢中時見作詩孫天涯已慣逢人  
日客路猶欣過海門三策已應思賈讓孤忠終未赦  
虞翻典衣刺買河源未屈指新篇作上元

不用長絃桂月村檳榔生子竹生孫海南勒竹每節

蓋竹新篁不語燕還窺硯舊雨未人不到門春水蘆根

看鶴立石陽城葉兒鴉翻此生念念隨泥影莫認家

山作本元

蘇文忠公集卷第二十四

蘇文忠公集卷第二十五

律詩絕句一百八十六首

聞李公擇飲傳國博家大醉二首

兒童拍手鬧黃昏應笑山公醉習園縱使先生能一  
石主人未肯獨留髡

不肯惺惺騎馬迴三山知為玉人頽此亦雲有語若知  
否莫喚分司御史來

文與可有詩見寄云待將一段鵝溪絹掃取

寒梢萬尺長次韻答之

為愛鵝溪白蟹光掃殘鷄距紫毫銜世間那有千尋

竹月落庭空影許長

次韻參寥師寄秦大虛三絕句時秦君舉進士

秦郎文字固超然漢武憑虛意欲仙  
辰三季秋來不得解定中試與問諸天

一尾追風抹萬蹄崑崙玄圃謂朝辭  
回看世上無伯樂却道鹽車勝月題

得喪秋毫久已冥不須聞此氣崢嶸  
何如却伴參寥子無款新詩咳唾成

次韻田國博部夫南京見寄二絕

歲月翩翩下坂輪歸來香子色生人  
深紅落盡東風惡柳絮榆錢不書春

大冷錫稀杏粥稠青楓編被白頭  
大夫行役家人怨應羨居鄉馬少游

送蜀人張師厚赴職試二首

忘歸不覺鬢毛斑好事鄉人尚姓  
還斷嶺不遮西望眼送君直過楚王山

雲龍山下試春衣放鶴亭前送落暉  
一色杏花三十里行郎君去馬如飛

再次韻答田國博部夫還二首

西郊黃土逐車輪  
滿面風埃塞路人  
已放役夫三萬指  
從教積雨洗殘春

枝上稀疎冰上細  
忍看紅紫落牆頭  
風流別來多才思  
歸趁西園乘興遊

次韻關令送魚

舉網驚呼得巨魚  
饑寒不且忍流酥  
更煩赤腳長頭  
老來趁面風十幅蒲

梅花二首

春來幽谷水潺潺  
的皪繁華九草棘  
開一夜東風吹石  
裂半隨飛雪渡關山

何人把酒慰深幽  
開自無聊落更愁  
幸有清溪三百  
曲不辭相送到黃州

陳季常所蓄朱陳村嫁娶圖

何年顧陸丹青手  
畫作朱陳嫁娶圖  
聞道一村唯兩  
姓不將門戶買崔盧

我是朱陳舊史君  
勸耕曾入杏花村  
而今風物那堪  
盡縣吏催錢夜打門

蘇軾對縣

少年時嘗過一村  
院見壁上有詩云  
夜涼疑有雨  
院靜似無僧  
不知何人詩也  
宿黃州禪智寺  
寺僧皆不在  
夜半雨作  
偶記此詩故作

一絕

佛燈漸暗飢鼠出山雨忽來脩竹鳴知是何人舊詩  
句已應知我此時情

次韻樂著作送酒

少年多病怯杯觴老去方知此味長萬斛羈愁都似  
雪一壺春酒若爲湯

次韻樂著作天慶觀醮

濁世紛紛肯下臨夢尋飛步五雲深無因上到通明  
殿只許微聞玉佩音

題織錦圖上面文三首

春晚落花餘碧草夜涼低月半枯桐人隨遠鴈邊城  
暮雨映疎簾綉閣空  
紅手素絲千字錦故人新曲九回腸風吹絮雪愁縈  
骨淚洒繡書恨見郎  
羞看一首回文錦錦似文君別恨深頭白自吟悲賦  
客斷腸愁是斷絃琴

再次前韻

春機滿織回文錦粉淚揮殘露并桐人遠寄情書字  
小柳絲低日晚庭空  
紅綫短寫空深恨錦句新翻欲斷腸風葉落殘驚夢



蝶成邊回鴈寄情郎

羞雲歛慘傷春暮細縷詩成織意深  
頭伴枕屏山掩恨日昏塵暗玉窻琴

和人回文五首

紅窻小泣低聲怨永夕春寒斗帳空  
中酒落花飛絮亂曉鶯啼破夢忽忽

同誰更倚閑窻綉落日紅扉小院深  
東復西流分水嶺恨無愁續斷絃琴

寒信風飄霜葉黃冷燈殘月照空床  
看君寄憶傳紋錦字字紫愁寫斷腸

前堂畫燭夜凝淚半夜有香荔惹余烟  
鎖竹枝寒宿鳥水沉天色霽橫參

娥翠歛時聞燕語淚珠彈處見鴻歸  
多情妾似風花亂薄倖郎如露草晞

記夢回文二首

十二月二十五日大雪始晴夢人以雪水烹小團茶  
使美人歌以飲余夢中為作回文詩覺而記其一  
句云亂點餘花唾碧衫意用飛燕唾花故事也乃  
續之為二絕句云

酡顏玉盃捧纖纖亂點餘花唾碧衫  
歌咽水雲凝靜

院夢驚松雪落空岩

空花落盡酒傾缸日上、山融雪漲江紅焙淺甌新火  
活龍團小碾鬪晴窻

南堂五首

江上西山半隱堤此邦室館一時西南堂獨有西南  
向卧看千帆落淺溪

暮年眼力嗟猶在多病顛毛却未華故作明窻書小  
字更開幽室養丹砂

他時雨夜困移床坐厭愁聲點客腸一聽南堂新瓦  
響似聞東塢小荷香

山家為割千房蜜稚子新畦五畝蔬更有南臺堪著

客一作不憂門外故人車

掃地燒香閉閣眠簟紋如水帳如煙客來夢覺知何  
處挂起西窻浪接天

子由作二頌頌石臺長老問公手寫蓮經字

如黑蟻且誦萬徧脅不至席二十餘年余亦

作二首

眼前擾擾黑虻蜂口角霏霏紛紛白唾珠要識吾師

無礙處試將燒却看瞋無

眼睛心地兩虛圓脅不沾床二十年誰信吾師非不

睡睡蛇已死得安眠

橄欖

紛紛青子落紅鹽正味森森苦且嚴待得微甘回齒  
頰已輸崖蜜十分甜

海棠

東風嫋嫋汎崇光香霧霏霏月轉廊只恐夜深花睡  
去高燒銀燭照紅粧

東坡

雨洗東坡月色清市人行盡野人行莫嫌竿確坡頭  
路自愛鏗然曳杖聲

子由在筠作東軒記或戲之為東軒長老其  
婿曹煥往筠余作一絕句送曹以戲子由曹  
過廬山出以示圓通慎長老慎欣然亦作一  
絕送客出門歸入室趺坐化去子由聞之乃  
作二絕一以答予一以答慎明年予過圓通  
始得其詳乃追次慎韻

君到高安幾日回一時抖擻舊塵埃贈君一籠牢收  
取盛取東軒長老來予送曹詩

東軒長老未相逢已見黃州一信通何必揚眉資  
目擊須知千里事同風慎老和予詩

東軒只似虛空樣何處人家籠解盛縱使盛來無  
處著雪堂自有老師兄子由荅予詩

擔頭挑得黃州籠行過圓通一笑開却到山前人  
已寂亦無一物可擔回子由荅慎詩

追次慎長老韻

大士何曾有生死小儒底處覓窮通偶留一映千山  
上散作人間萬竅風

余過溫泉壁上有詩云直待衆生揔無垢我  
方清冷混常流問人云長老可遵作遵已退  
居圓通亦作一絕

石龍有口口無根自在流泉誰吐吞若信衆生本無  
垢此泉何處覓寒溫

書李公擇白石山房

偶尋流水上崔嵬五老蒼顏一笑開若見謫仙煩寄  
語匡山頭白早歸來

贈東林拙老

溪聲便是廣長舌山色豈非清淨身夜來八萬四千  
偈他日如何舉似人

題西林壁

橫看成嶺側成峯遠近高低無一同不識廬山真面

目只緣身在此山中

次荆公韻四絕

青李扶疎禽自來  
清真逸少手親栽  
深紅淺紫從爭發  
雪白鵝黃也鬪開

斫竹穿花破綠苔  
小詩端為覓檀栽  
細看造物初無物  
春到江南花自開

騎驢渺渺入荒陂  
想見先生未病時  
勸我試冰三畝宅  
從公已覺十年遲

甲第非真有閑花亦偶栽  
聊為清淨供却對道人開  
公病後捨宅為寺

題孫思邈真

先生一去五百載  
猶在峨眉西峽中  
自為天仙足官府  
不應尸解坐蟲蟲

戲作鮒魚一絕

粉紅石首仍無骨  
雪白河豚不藥人  
寄語天公與河伯  
何妨乞與水精鱗

次韻答寶覺

芒鞋竹杖布行纏  
遮莫千山更萬山  
從來無脚不解滑  
誰信石頭行路難

以玉帶施元長老元以衲裙相報次韻

病骨難堪玉帶圍，鈍根仍落箭鋒機。欲教乞食歌姬院，故與雲山舊衲衣。此帶閱人如傳舍，流傳到我亦悠哉。錦袍錯落真相稱，乞與佯狂老萬回。

和王勝之三首

城上湖光暖欲波，美人唱我踏春歌。魯公賓客皆詩酒，誰是神仙張志和。新釀如澗漲淥波，公詩句句可絃歌。流觴曲水無多日，更作新詩繼永和。要知太守怜孤客，不惜陽春和俚歌。坐睡樽前呼不

應為公雕琢損天和

春日

鳴鳩乳燕寂無聲，日射西窗潑眼明。午醉醒來無一事，只將春睡賞春晴。

歸宜興留題竹西寺三首

十年歸夢寄西風，此水要携鄉味過江東。道人勸飲鷄蘇水，童子能煎鶯粟湯。暫借藤床與瓦枕，莫教辜負竹風涼。此生已覺都無事，今歲仍逢大有年。山寺歸來閑好

語野花啼鳥亦欣然

贈常州報恩長老

碧玉盃盛紅瑪瑙井  
花水養石菖蒲也知法供無窮  
盡試問禪師得飽無

與孟震同遊常州僧舍三首

湛湛清池五月寒小  
山無數碧嶺岿穉杉戢戢三千

本且作凌雲合抱看

知君此去便歸耕笑  
指孤舟一葉輕待向三茅乞靈

雨半篙流水送君行

年來轉覺此生浮又  
作三吳浪漫游忽見東平孟君

予夢中相對說黃州

溪陰堂

白水滿時雙鷺下綠槐高處一蟬吟酒醒門外三竿  
日卧看溪南十畝陰

贈王寂

與君暫別不須嗟俯仰歸來鬢未華記取江南煙雨  
裏青山斷處是君家

元豐七年有詔京東淮南築高麗亭館密海

二州騷然有逃亡者明年過之歎其壯麗留

一絕云

簷楹飛舞垣墻外  
桑柘蕭條斤斧餘  
盡賜昆耶作奴  
婢不知償得此人無

惠崇春江晚景二首

竹外桃花三兩枝  
春江水暖鴨先知  
蒹葭滿地蘆芽  
短正是河豚欲上時  
兩兩歸鴻欲破群  
依依還似北歸人  
遙知朔漠多風  
雪更待江南半月春

某以去歲春夏侍立邇英而秋冬之交子由  
相繼入侍次韻絕句四首各述所懷

種瞳日脚曉猶清  
細細槐花暖欲零  
坐閱諸公半廊

廟時看黃色起天庭

漢劉公皆自講席大用

上尊初破早朝寒  
茗盃仍沾講舌乾  
陛楯諸郎空雨  
立故應慚悔不儒冠

兩鶴摧頽病不言  
年來相繼亦乘軒  
候聞九奏聊飛  
舞可得徘徊為啄吞

微生偶脫風波地  
晚歲猶存鐵石心  
定似香山老居

士世緣終淺道根深

樂天自江州司馬除忠州刺史  
旋以主客郎中知制誥遷  
中書舍人其雖不敢自比  
然大略相似庶幾復享此翁

晚節閑適  
之樂馬耳

書皇親畫扇



十年江海寄浮沉夢遠江南黃葉林誰謂風流貴公  
子筆端還有五湖心

書李世南所畫秋景二首

野水參差落漲痕  
疎林欹倒出霜根  
扁舟一棹歸何處  
家在江南黃葉村  
人間斤斧日創殘  
唯見龍蛇百尺姿  
不是溪山曾獨  
向人解作挂猿枝

次韻宋肇惠澄心紙二首

詩老囊空一不留  
百番曾作百金收  
叔以澄心紙  
遺聖俞聖俞  
知君也厭黜肝腎  
分我江南數斛愁

君家家學陋相如  
宜與諸儒論石渠  
古紙無多且分  
我自應給札奏新書

郭熙秋山平遠二首

目盡孤鴻落照邊  
遙知風雨不同川  
此間有句無人  
見送與襄陽孟浩然  
木落騷人已怨秋  
不堪平遠發詩愁  
要看萬壑爭流  
處他日終煩顧虎頭

謝王澤州寄長松無簡張天覺二首

莫道長松浪得名  
能教覆額兩眉青  
便分將作徑寸  
同千尺知有竒功似茯苓

憑君說與埋輪使速寄長松作解嘲張天覺詩有理及河東慳之語  
無復青黏和漆葉枉將鍾乳敵仙茅

和子由除夜元日省宿致齋三首

江淮湖作流落豈關天禁省相望亦偶然等是新年未相見此身應坐不歸田

白髮蒼顏五十三家人強遣試春衫朝回兩袖天香滿頭上銀幡笑阿咸

當年踏月走東風坐看春闈鎖醉翁白髮門生幾人在却將新句調兒童

次韻答張天覺二首

車輕馬穩轡銜堅但有蚊蟲喜撲綠截斷口前君莫

恠一作人問差樂勝巢仙

馭風騎氣我何勞且要長松作土毛亦如訶佛丹霞老却向清涼禮白毫

書艾宣畫四首

竹鶴

此君何處不相宜况有能言老令威誰識長身古君子猶將縞布綠深衣

黃精鹿

太華西南第幾峯落花流水自重重幽人只採黃精

去不見春山鹿養茸

杏花白鷗

天工剪刻為誰妍  
抱蕊游蜂自作團  
把酒惜春都是夢  
不如閑客此閑看

蓮龜

半脫蓮房露壓欹  
綠荷深處有游龜  
只應翡翠蘭蓂上  
獨見玄夫曝日時

送穆父出守越州絕句二首

簿書常苦百憂集  
樽酒今應一笑開  
京兆從教思廣漢  
會稽聊喜得方回

若耶溪水雲門寺  
賀監荷花空自開  
我恨今猶在泥滓  
勸君莫棹酒船回

書林次中所得李伯時歸去來陽關二圖後  
不見何戡唱渭城  
舊人空數米嘉榮  
龍眠獨識慙慙處  
盡出陽關意外聲

兩本新圖寶墨香  
樽前獨唱小秦王  
為君翻作歸來引  
不學陽關空斷腸

題李伯時畫趙景仁琴鶴圖二首

清獻先生無一錢  
故應琴鶴是家傳  
誰知默鼓無絃曲  
時向珠宮舞幻仙

醜石寒松未易親，聊將短曲調長人。  
乘軒故自非明眼，終日傲傲舞鬢新。

王晉卿所藏著色山二首

縹緲營丘水墨仙，浮空出沒無間爾。  
來一變風流盡誰見，將軍著色山。

犖确何人似退之意，行無路欲從誰宿。  
雲解駁晨光漏，獨見山紅澗碧時。

次韻王晉卿惠花栽栽所寓張退傅第中

坐來念念失前人，共向空中寓一塵。  
若問此花誰是主，天教閑客管青春。

同秦仲二子雨中遊寶山

平明已報百吏散，半日來陪二子閑。  
立鵲低昂煙雨裏，行人出沒樹林間。

與莫同年雨中飲湖上

到處相逢是偶然，夢中相對各蒼顏。  
還來一醉西湖雨，不見跳珠十五年。

次韻王忠玉遊虎丘絕句三首

當年大白此相浮，老守娛賓得二丘。  
鄰人賸有公不

規虎丘即謂閭丘也白髮重來故人盡，空餘叢桂小山

幽

青蓋紅旂映玉山新詩小草落玄泉風流使者人爭

看知有首娘立道邊虎丘中路有真娘墓

舞衣歌扇轉頭空只有青山杳中莫共吳王闔百

草使君未收借驚鴻

和錢四寄其弟儼

再見濤頭湧千輪煩君少駐浙江春年來摠作羅摩

病堪笑東西二老人

書劉景文所藏王子敬帖

家鷄野鴛一山登北春蚓秋蛇摠入奩石家兩行十二

字氣壓鄴沃三萬籟

和劉景文韻

牡丹松檜一時栽付與春風自在開試問壁間題字

客幾人不為看花來

西湖壽星院此君軒

卧聽謾謾碎龍鱗俯看蒼蒼立玉身一舸鷓夷江海

去尚餘君子六千人

次韻錢穆父紫薇花二首

虛白堂前合抱花秋風落日照橫斜闕人此地知多

少物化無涯生有涯虛白堂前紫薇四

折得芳蕤兩眼花題詩相報字傾斜篋中尚有絲綸

句坐覺天光照海涯

繫天詩云絲綸閣下文書靜鐘

伴紫薇花對紫薇郎  
上嘗書此詩以賜軾

次韻楊公濟奉議梅花十首 楊端也

梅花春色弄微和作意南枝剪刻多月黑林間逢縞

袂霸陵醉尉誤誰何

相逢月下是瑤臺藉草清樽連夜開明日酒醒應滿

地空令飢鶴啄莓苔

綠髮尋春湖畔回萬松嶺上一枝開而今縱老霜根

在得見劉郎又獨來

月地雲堦漫一樽玉奴終不負東昏臨春結綺荒荆

棘誰信幽香是返魂

日出冰湖壺一作散水花野梅官柳漸欹斜西郊欲就

詩人飲黃四娘家子美家

君知早落坐先開莫著新詩四句催嶺北霜枝最多

思忍寒留待使君來

冰盤未薦含酸子雪嶺先看耐凍枝應笑春風木芍

藥瘦豐一作肌弱骨要人醫

寒雀喧喧凍不飛遶林空啁未開枝多情好與風流

伴不到雙雙燕語時

鮫綃剪碎玉簪輕檀暈粧成雪月明肯伴老人春一

醉懸知欲落更多情  
綳裙練悅玉川家  
肝膽清新冷不邪  
穠李爭春猶辦  
此更教踏雪看梅花

再和前韻

一枝風物便清和  
看盡千林未覺多  
結習已空從著  
袂不須天女問如何  
天教桃李作輿臺  
故遣寒梅第一開  
憑仗幽人收艾  
納國香和雨入青苔  
白髮思家萬里回  
小軒臨水為花開  
故應剩作詩千  
首知是多情得得來

人去殘英滿酒樽  
不堪細雨濕菡  
昏夜寒那得穿花  
蝶知是風流楚客魂

春入西湖到處花  
裙腰芳草抱山斜  
盈盈解佩臨煙  
浦脉脉當壚傍酒家

莫向霜晨怨未開  
白頭朝夕自相催  
斬新一朶含風  
雪一作露恰似西廂待月來

洗盡鉛華見雪肌  
要將真色鬪生枝  
檀心已作龍涎  
吐玉頰何勞獺髓醫

湖面初驚片片飛  
樽前吹折最繁枝  
何入會得春風  
意怕見梅黃著雨黃四字一作梅雨細時



原件短缺



長恨漫天柳絮輕只將飛舞占清明寒梅似與春相  
避未解無私造物情

北客南來豈是家醉看參月半橫斜他年欲識吳姬  
面秉燭三更對此花

贈劉景文

荷盡已無擎雨蓋菊殘猶有傲霜枝一年好景君須  
記正是橙黃橘綠時

謝關景仁送紅梅栽二首

年年芳信負紅梅江畔垂垂又欲開珍重多情關令  
尹直和根撥送春來

天廐新頒玉鼻驛故人共弊亦常情相如雖老猶能  
賦換馬還應繼二生

嵇紹似康

五凌謂賈充曰汝非賈梁道之子耶乃欲以國與人  
由此觀之梁道之忠於魏也久矣司馬景王既  
執凌而歸過梁道廟凌大呼曰我大魏之忠臣也  
及司馬景王病見凌與梁道守而殺之二人者可  
謂忠義之至精貫於幽明矣然梁道之靈獨不能  
已其子充之姦至使首發成濟之事此又理之不  
可曉者也故余嘗戲作小詩云

嵇紹似康為有子都超叛鑒似無孫如今更恨賈梁  
道不殺公閭殺子元

三月二十九日二首

南嶺過雲開紫翠北江飛雨送淒涼酒醒夢回春盡  
日閉門隱几坐燒香

門外橘花猶的皜牆頭荔子已爛斑樹暗草深人靜  
處卷簾欹枕卧看山

王晉卿所藏畫跋尾五首

徐熙杏花

江左風流王謝家畫携書畫到天涯却因梅雨丹青

暗洗出徐熙落墨花

趙昌四季芍藥

倚竹佳人翠袖長天寒猶著薄羅裳揚州近日紅千  
葉自是風流時世粧

躑躅

楓林翠壁楚江邊躑躅千層不忍看開卷便知歸路  
近劔南樵叟為施丹

寒菊

輕肌弱骨散幽葩真是青裙兩髻了便有佳名配黃  
菊應緣霜後苦無花

山茶

遊蜂掠盡粉絲黃，落蕊猶收蜜露香。待得春風幾枝在，年來殺菽有飛霜。

移合浦郭功甫見寄

君恩浩蕩似陽春，合浦何如在海濱。莫趁明珠弄明月，夜深無數採珠人。

過太行

自過太行至聞潮陽共十九篇

始余赴中山，連日風埃未嘗了。了見太行也，意頗以為恨。今將適嶺表，過臨城道中，天氣肅然，西山草木皆可數。忽悟笑曰：余南遷，其必返乎？此退之

衡山之祥也，乃作小詩

逐客何人著眼看，太行千里送征鞍。未應愚谷能留柳，可獨衡山解識韓。

惠州一絕

羅浮山下四時春，盧橘楊梅次第新。日啖荔枝三百顆，不妨長作嶺南人。

送佛面杖與羅浮道人

十方三界世尊面，都在東坡掌中。送與羅浮德長老，携歸萬竅摠號風。

過子忽出新意，以山芋作三髻，美色香味皆

奇絕天上酥陀則不可知人間决無此味也  
香似龍涎仍釀白味如牛乳更全清真將北海金麝  
繪輕比東坡玉糝羹

合浦愈上人以詩名嶺外將訪道南岳留詩

壁上云名山今去欲何為閑伴孤雲自在飛

猿鶴不須驚蕙帳待看傳此一燈歸因次其韻

孤雲出岫豈求伴錫杖凌雲一作空自要飛為問庭松

尚西指不知老矣幾年歸

書李大方秀才所寄白韓幹粉本二馬圖

赤髯碧眼老鮮卑回策如游爾獨善騎赭白紫騮俱絕

世馬中岳湛有妍姿

余初謫嶺南過田氏小園東南一峯豐下銳

上俚人謂之鷄籠山余更名獨秀峯今復過

之戲留一絕

倚天巉絕玉浮圖昔與彭郎作小姑獨秀江南知有

意要三二別四方盡

次韻功父觀余畫雪鵲有感二首

早知臭腐即神奇海天之南總是歸九萬里風安稅

駕雲鵬今悔不卑飛

可憐倦鳥不知時空坐騎鯨得所歸玉局西南天一

角萬人沙苑看飛

追憶郭功父題余舊畫雪鵲後作二韻寄之

時在惠州

平生才力信瑰奇  
今在窮荒豈易歸  
正似雪林樓上  
畫羽翰雖好不能飛

復官北歸再次前韻

秋霜春雨不同時  
萬里今從海外歸  
已出網羅毛羽  
在却尋雲跡帖天飛

題過所畫枯木竹石三首

散木支離得自全  
交柯踴躍欲相纏  
不須更說能鳴

鴈要以空中得盡年

老可能為竹寫真  
小坡今與竹傳神  
山僧自覺菩提  
長心境都將付卧輪

倦看澁勒暗蠻村  
亂棘踈藤束瘴根  
惟有長身六君  
子猗猗猶得似淇園

澹耳四絕句

船一作船不到米如珠  
醉飽蕭條半月無  
明日東家  
知祭竈隻鷄斗酒定膳吾

父老爭看烏角巾  
應緣曾見半官身  
溪邊古路三叉  
口獨立斜陽數過人

半醒半醉問諸黎棘刺藤梢止少步迷但尋牛屎覓歸  
路家在牛欄西復西  
寂寂東坡一病翁白頭蕭散滿霜風小兒悞喜朱顏  
在一笑那知是酒紅

題嶺上梅

梅花開盡百花开過盡行人君不來不趁青梅嘗煮  
酒要看細雨熟黃梅

題靈峯寺

靈峯山上寶陀院白髮東坡又到來前世德雲今我  
是依稀猶記妙高臺

蜀僧明操思歸龍丘子書壁

更厭勞生能幾日莫將歸思擾衰年片雲會得無心  
否南北東西只一天

贈嶺上陳道人

鶴骨霜髯心已灰青松合抱手親栽問公大庾嶺頭  
住曾見南遷幾箇回

武昌酌菩薩泉送王子立

送行無酒亦無錢勸尔一杯菩薩泉何處低頭不見  
我四方同此水中天

睡起聞元章冒熱到東園送麥門冬飲

一枕清風直萬錢無人肯買北窗眠  
心暖胃門冬飲知是東坡手自煎

舉舊詩次今韻呈曇秀

春風何處不歸鴻非復羸牛踏舊蹤  
但願老師真似月誰家瓮裏不相逢

答海上翁

山翁不復見新詩疑是河南石壁工  
曦之汝水豈容鯨飲盡然犀何處覓瓊枝

占山亭

尚父提封海岱間南征惟到穆陵關  
誰知海上詩狂

客占得膠西一半山

我是膠西舊史君此山仍占與君分  
故應竊比山中相時作新詩寄白雲

題懷素草帖

人人送酒不曾沽終日松間挂一壺  
草聖無成狂飲發真堪畫作醉僧圖

雨中明慶賞牡丹

霏霏雨露作清妍爍爍明燈照欲然  
明日春陰花未老故應未忍着酥煎

與王郎夜飲井水



蘇文忠公集卷二十五  
吳興六月水泉温千頃荷花聚暗蚊此井獨能深一丈源龍如故亦如君

贈僧思誼

瀉湯舊得茶三昧覓句近窺詩一斑清夜漫漫困披

覽一作攬齋腸那得許慳頑

子玉以詩見邀同刁文遊金山

君年甲子未相逢難向君前說老翁更有方瞳八十  
一奮衣矍鑠走山中

次韻致遠

長笑右軍稱草聖不如東野以詩鳴樂天自欲吟淮

月懷祖無勞聽角聲

世傳徐凝瀑布詩云一條界破青山色至為塵陋又偽作樂天詩稱羨此句有賽不得之語樂天雖涉淺易然豈至是哉乃戲作一絕  
帝遣銀河一派垂古來惟有謫仙詞飛流濺沫知多少不與徐凝洗惡詩



